



Ministerie van Onderwijs, Cultuur en
Wetenschap

Studia na Hulanda Oropo

Informacion pa studiantenan di
eindexamen y estudiante biba na Aruba,
Corsou y Sint Maarten

Pa wak e informacion
y animacion online
scan e QR-code





Escogencia di estudio

Den e foyeto aki tin informacion cu por yuda bo prepara bon pa cuminsa cu bo estudio nobo. Tin informacion tocante kico bo mester haci pa scohe un estudio, inscripcion y asunto di placa. Hopi exito!

Orienta bo mes bon

Bo ta bay studia na un hogeschool of universidad? Lo bira un associate degree of un grado di bachelor? Of bo ta scohe pa un estudio dual? Orienta bo mes bon y discuti bo escogencia di estudio cu bo docentenan, decano, guia di estudio, amigonan, mayor(nan) of cuidado(nan). Bishita dianan di porta habri (si bo tin e posibilidad), bay studia di prueba y haci hopi pregunta, por ehempel na estudiante cu ya tin experiencia cu studia na Hulanda Europeo. Tuma nota tambe di e websitenan di hogescholen y universidad. Tin biaha nan ta ofrece actividad online tambe.

Riba **studiekeuze123.nl** bo por compara estudio cu otro y ta haya conseho y hermentnan util pa scohe bo estudio. Tambe tin informacion tocante contenido di estudio, dia di porta habri (online), satisfaccion di estudiante y kico bo por logra riba e mercado laboral cu un estudio.

Mas informacion tocante e diferencianan entre un associate degree, un bachelor y un master bo por haya riba **studiekeuze123.nl/ad-bachelor-of-master**.

Riba **studiekeuze123.nl/ouders** por haya tambe conseho pa bo mayor(nan) of cuidado(nan), pa nan por yuda bo.

Tin tambe un pagina apart pa estudiante aspirant for di e parti Caribense di Reino: **www.studiekeuze123.nl/studia-na-hulanda**.

Check exigencia di admision

Pa algun estudio bo mester tin un perfil specifico of materia particular. Esakinan ta riba website di e universidad of hogeschool. Pa esnan cu ta drenta for di MBO tin otro rekisitonan compara cu esnan cu ta drenta for di enseñansa secundario. Pa estudio di HBO pa bira maestro di enseñansa basico (pabo), tin rekisito adicional na nivel nacional. Mas tocante con bo por prepara bo mes bon y ki tipo di sosten ta disponibel, por lesa riba: **goedvoorbereidnaardepabo.nl**.



**Bo kier sa rib kico bo tin derechi y kico mester regla si bo ta bay studia?
Wak riba rijksoverheid.nl/studeren pa un resumen personal.**

Wak si tin exigencia di seleccion

Un estudio manera medicina hopi biaha tin un cantidad limita di lugar (numerus fixus). Na momento cu tin demasiado inscripcion, loting ta tuma of un otro forma di seleccion. Scoge otro estudio debi na rekisito profesional of pasobra bo mester tin cierto habilidad, manera estudio di arte.

Mayoría rekisito actual ta riba website di e estudio. Un resumen completo ta disponibel riba studiekeuze123.nl/opleidingen. Riba studiekeuze123.nl/selectie por haya tambe informacion general tocante seleccion.

Parti Caribense di Reino

E hogeschoolnan y universidadnan Hulandes mester tene cuenta cu situacion di estudiante aspirante di e parti Caribense di Reino, por ehempel door di duna posibilidad pa nan participa na e proceduranan di seleccion riba distancia. Tuma contacto cu e estudio concerni pa mas informacion tocante esaki.



Registra

Registra na tempo

Escogencia di estudio ta cla? Registra lo mas pronto posibel via studielink.nl.

Pa por registra via Studielink, bo tin mester di un DigiD, un prueba di identidad digital. Na Hulanda Europeo tur hende por regla esaki via www.digid.nl. Si bo no ta biba ni a biba na Hulanda Europeo, bo no tin un burgerservicenummer (BSN) y pa e motibo aki bo no por pidi un DigiD tampoco.

Si ainda bo no tin un BSN ni DigiD, bo ta scohe riba www.studielink.nl pa e opcion 'Studielinkaccount aanmaken zonder DigiD'. Bo estudio anterior bo por agrega manualmente door di indica si bo a logra bo diploma caba of lo logra y den cua pais. Por haya tur parti Caribense di Reino apart riba e lista di pais.

Pa estudio cu tin seleccion (*numerus fixus*) bo mester a registra bo mes mas tarda **15 di januari 2024 (promé cu 19.00 orario Caribense)**.

E fecha ultimo pa registra pa e estudionan cu seleccion (manera estudio di arte) ta riba website di hogeschool of universidad.

Paga tino: e fecha ultimo pa registra pa e estudionan aki por ta caba riba **15 di januari 2024**.

Pa e otro estudionan ta miho bo registra bo mes mas tarda **1º di mei 2024 (promé cu 18.00 or di anochi orario di Caribe)**.

Busca mas informacion riba [studiekeuze123/aanmelden-voor-1-mei](https://studiekeuze123.nl/aanmelden-voor-1-mei).

Haci un control di escogencia di estudio

Bo a meldo bo mes na tempo via Studielink? E ora bo tin derechi riba un control di escogencia di estudio, pa mira si e estudio ta pas cu bo. E control di escogencia di estudio ta obligatorio pa algun estudio.

Normalmente, e control di escogencia di estudio ta un combersacion, un college di prueba cu un evaluacion of un lista di pregunta. Despues lo bo ricibi feedback y un conseho. E conseho ta sin obligacion si bo a meldo mas tarda 1e di mei. Asina cu ainda bo por cambia di estudio, siempre y cu bo prome registracion tabata mas tarda 1 di mei. Si bo ta biba den parti Caribense di Reino, e instancia di estudio ta obliga di duna bo oportunidad pa haci e combersacion online, si bo ta desea esaki. Tuma contacto cu e instancia di estudio pa esaki.

Si bo no ta contento cu e control di escogencia di estudio of e conseho? Bay papia cu e instancia di estudio. Of tuma contacto cu organizacion di estudiante manera LSVb y ISO.

Pa algun estudio e control ta obligatorio. Estudio cu seleccion no ta ofrece control di escogencia di estudio.

Lesa tur cos tocante e control di escogencia di estudio riba studiekeuze123.nl/studiekeuzecheck.

Extra sosten?

Estudiante Caribense por enfrente problema na Hulanda na cuminsamento di nan estudio. Algun biaha esakinan ta obstaculo manera por ehempel aplica pa un Burgerservicenummer (BSN) of un seguro di salud, otro biaha ta idioma y cultura. Tambe por ta dificil pa haya luga pa biba. Pais Aruba, Corsou, Sint Maarten y Hulanda ta trahando hunto pa haci e transicion mas facil.

Den tur cuater pais nan ta ofrece yudansa of guia pa e transicion pa Hulanda, por ehempel door di gobierno of organizacion priva. Tin biaha mester paga pa esaki, otro biaha ta gratis. Pa ta bon prepara e transicion ta importante pa papia cu amigo y otro hende cu a studia na Hulanda prome. Nan por comparti nan experiencia cu bo y duna conseho. Tambe ta hopi consehabel pa busca guia.

Hogeschool y universidad ta duna sosten pa esnan di bista limita of otro limitacion funcional, dislexia y problema psiquiatrico, pero tambe pa tarea di cuida of topdeporte. E institucionan cu placer ta yuda bo busca un solucion adecua. Tuma contacto ruim prome cu bo drenta bo estudio, pa asina nan sa bo situacion na tempo.

Riba hogeronderwijstoegankelijk.nl tin mas informacion.

Inscripcion definitivo

Bo ta inscribi definitivamente solamente si tur siguiente ta na ordo:

1. Bo a logra bo diploma, of bo a pasa e examen 21+, cu exito.
2. Bo a duna permiso na e hogeschool of universidad pa schrijf af e gasto di estudio.
3. Bo a cumpli cu eventual otro condicion.

Bo lo ricibi notificacion tocante esaki via Studielink. Percura cu bo a regla tur cos **promé cu 1 di september**.



Asunto di placa

Regla financiamiento di estudio

Pidi financiamiento di estudio riba **duo.nl**. Bo ta studia na MBO? E ora bo mester tin 18 año mínimo pa bo ricibi un beca of prestamo cu interes. Sin embargo, bo por haya un *studentenreisproduct* si ainda bo no tin 18 año. Pa HBO y universidad bo no tin mester di un edad mínimo. Aplica pa bo financiamiento di estudio na tempo. Preferibelmente por lo menos 8 siman promé cu bo tin derechi riba dje. Asina bo ta sigur cu bo no ta cay atrasa. Financiamiento di estudio ta consisti di diferente parti pa cual bo por aplica separadamente:

- Beca básico
- Beca adicional
- *Studentenreisproduct*
- Lening cu interes
- Credito di *collegedgeld* (solamente pa hbo y universidad)

Bo ta sigui un estudio na nivel 1 of 2? Den e caso ey, bo beca básico, *studentenreisproduct* pa estudiante y eventual un beca adicional semper ta un regalo. E prestamo cu ta genera interes bo mester paga bek, cu interes.

Pa MBO nivel 3 & 4 y enseñansa superior, e beca básico, beca adicional y *studentenreisproduct* pa estudiante ta un beca di prestacion. Si bo logra bo diploma den 10 año, nan lo converti nan den regalo. Si no logra esaki, bo mester paga tur cos bek, cu interes. Un prestamo cu ta genera interes y un *collegedgeldkrediet* semper bo mester paga bek, cu interes.

Tip: riba duo.nl/meerdanlenen tin un overzicht util di cuanto un estudio ta costa, con otro estudiante ta yega na placa y cuanto financiamiento di estudio bo por ricibi.

Beca basico

E montante di beca basico ta depende di bo situacion di biba. Bo ta bai biba cu bo mayornan (uno di nan)? E ora bo ta biba na cas. Bo no ta biba cu bo mayor(nan)? E ora bo ta biba for di cas. E beca basico ta mas halto si bo ta biba for di cas.

Beca adicional

Riba e beca basico, ta posibel pa haya un beca adicional. Semper aplica pa un beca adicional! Aplicacion ta necesario solamente un biaha. DUO lo calcula despues di esaki tur aña si bo ta cualifica pa esaki. E montante di e subsidio adicional ta depende di e entrada di bo mayornan. Tambe ta tuma na cuenta cuanto yiu bo mayornan ta cuida y si nan tin un debe di estudio pa paga.

E studentenreisproduct

Cu e *studentenreisproduct* bo por biaha gratis of cu descuento rond Hulanda cu transporte publico. Bo por scoge entre un abbonement pa siman of un abbonement pa fin di siman.

Presta y un collegegeldkrediet

Si bo no ta logra cu finansa? Bo por presta placa extra na DUO. E suma cu bo ta presta, bo por ahusta tur luna. E prestamo ta genera interes for di e luna despues cu bo haya e prestamo. E porcentahe di interes ta fiha anualmente durante bo estudio y por cambia cada aña.

Si bo presta, bo ta crea un debe di estudio. Bo mester paga e debe aki cu interes den termino mensual durante 35 aña despues di bo estudio. Na momento di paga e debe di estudio, ta tene cuenta cu bo entrada. Den algun caso bo mes mester informa di esaki. Si bo no tin of tin poco entrada, bo ta paga menos. Tambe bo por pidi un prestamo separa DUO pa paga bo collegegeld, e credito di colegio. Esaki tambe bo mester paga cu interes despues di bo estudio.

Pidi sin BSN y DigiD

Pa motibo cu ainda bo no tin un *burgerservicenummer* (BSN), bo no por pidi DigiD y mester pidi financiamiento di estudio via un formulario.

Asina cu bo ta biba na Hulanda Europeo, bo mester inscribi bo mes na bo gemeente y lo bo haya un BSN. Cu e BSN aki bo por aplica pa un DigiD y por regla asunto relaciona cu financiamiento di estudio online via 'Mijn DUO'. Pa mas informacion y e formulario, bishita www.duo.nl/antillen.

Facilidad financiero pa gobierno di Aruba, Corsou, Sint Maarten

Fuera di e financiamiento di estudio Hulandes (via DUO), gobierno di Aruba, Corsou of Sint Maarten mes por ofrece facilidad financiero di sosten. Si bo bay studia na Hulanda, bo tin gasto extra manera un ticket di avion, compra di un bicicleta y compra di paña pa winter. Bo por check cu gobierno di e isla unda bo ta biba si bo ta cualifica pa esaki.



Informacion adicional

Riba website di DUO bo por haya tambe un foyeto tocante financiamiento di estudio, specialmente pa estudiante for di parti Caribense di Reino. E foyeto aki tambe ta disponibel na Papiamentu y Ingles.

DUO ta organisa webinar special pa estudiante y persona cu mester paga nan beca for di e area di Caribe. Bo por haya e webinar aki na [duo.nl/antillen](https://www.duo.nl/antillen) bou di e titulo 'Webinars en rekenhulpen'.

Schrijffuit for di e administracion di poblacion (bevolkingsadministratie) prome cu biahe pa Hulanda

Prome cu bo bay Hulanda Europeo, bo mester schrijf bo mes uit for di administracion di poblacion (PIVA) di e isla unda bo ta biba. Bo mester haci esaki den e prome dies dia prome cu bo biahe na *Burgerzaken*. Ora bo yega na Hulanda Europeo, bo mester inscribi bo mes aya. Pa mas informacion, bishita:

<https://www.rvig.nl/Informatieblad%20studenten%20Caribisch%20Nederland>





Planning

Awo

◆ Busca informacion y participa na e **studiekeuzeactiviteitnan (online)** di hogeschool of universidad, manera dianas di porta habri, dianas di bishita pa sigui college, of curso di zomer. Bo mester di un DigiD. Aplicacion ta tuma minimo como un siman. Miho haci esaki awor, pa evita problema di tempo despues.

For di
october 2023

◆ **Aplica via Studielink.**

Mas tarda 15 di
januari 2024

◆ Tuma nota di e estudio prome cu **registra pa numerus fixus.**

15 di januari -
1 di mei 2024

◆ Ultimo fecha pa manda **solicitud pa otro estudio cu seleccion.** Mira pa seguridad riba e website di e hogeschool of universidad pa e ultimo fecha pa manda solicitud.

15 di april 2024

◆ Si bo a registra pa un estudio cu un cantidad limita di lugar (*numerus fixus*), bo lo haya un **rangnummer.** Si bo haya un luga, mester accepta esaki den 2 siman.

Mas tarda
1 di mei 2024

◆ **Registra pa tur otro estudio.**

Entre aanmelding
y 31 augustus 2024

◆ E hogeschool of universidad ta ofrece bo un *studiekeuze* check di estudio pa wak si e estudio ta bon pa bo. Despues ainda bo por cambia di estudio. Ora bo a tuma un decision final, inscribi pa e estudio. Bo mester tin esakinan cla:

- Bo a haya bo diploma.
- Bo a pasa bo detayenan di pago den Studielink (bo lo ricibi un notificacion tocante esaki).
- Bo ta cumpli cu cualke otro obligacion cu e hogeschool of universidad a informa bo tocante.

Juni 2024

◆ **Pidi financiamento di estudio**

Fin di augustus 2024

◆ **Introduccion na e hogeschool of universidad**

1 di september 2024

◆ **Cuminsamento di bo estudio nobo!**